

Edizione diplomatica

<p>Image not found https://letteraturaeuropea.let.uniroma1.it/sites/default/files/K1_0.JPG</p> 	<p>Ia nus hons pris ne dira</p>
<p>Image not found https://letteraturaeuropea.let.uniroma1.it/sites/default/files/K1_0.JPG</p> 	<p>sa reson; adroitement se dolen tement non; mes par esfors puet il fere chancon; mult ai amis mes poureen sont li don; honte iauront se pour ma reencon. sui ca .ii. iu(er)s p(ri)s.</p>

Ce seuent bien mi homme
et mi baron; englois norma(n)t
poiteuin et gascon que ie
nai nul si poure compaignon.
que ie lessasse pour auoir en
prison. ie nel di mie pour nule
retracon; car oncor sui ie pris.



Or sai ie bien de uoir certai
nement que ie ne pris ne ami
ne parent. quant on me faut
pour or ne pour argent. mult
mest de moi mes plus mest
de ma gent. quapres leur mort
auront reprochement se lon
guement sui pris.

Nest pas
merueille se iai le cuer dolent;

quant mes sires met ma t(er)re
en torment. sil li membrast de
nostre serement. que nous feis
mes andui communaument.
ie sai de uoir que ia trop lon
guement. ne seroie ca pris.



Ce seuent bien angeuin et
torain; cil bacheler qui or so(n)t
riche et sain. quencombrez sui
loing daus en autre main. for
ment maidassent mes il ne uoi
ent grain de beles armes so(n)t
ore uuit et plain; pour ce que
ie sui pris.

- letto 2966 volte